

ЭЗГУЛИКНИ ХУШЛАБ КЕЛАР, НАВРЎЗИМ!



Gazeta 1995-yil,
10-iyundan chiqib
boshlagan

Milliy tiklanish

Har oyda ikki
marta chop etiladi

O'zbekiston Milliy tiklanish demokratik partiyasining ijtimoiy, siyosiy, iqtisodiy gazetasi

2004 yil,
19 mart, juma

3-4
(284-285)
son

Ўзбекистон Республикаси Вазирлар Маҳкамасининг ҚАРОРИ НАВРЎЗ УМУМХАЛҚ БАЙРАМИНИ КЕНГ НИШОНЛАШ ТЎҒРИСИДА

Наврўз Шарқ халқлари, жумладан, Ўзбекистон халқи учун энг қадимий ва азалий байрамлардан биридир. Баҳор фасли ва табиат уйғонишининг тимсоли, яшариш ва янгилашни рами бўлган бу айёмни орзиқиб кўтиш, баланд руҳ ва катта хурсандчилик билан нишонлаш эл-юртимиз учун олижаноб анъанага айланиб қолган.

Маълумки, Наврўз байрами юртимизда март ойининг учинчи ўн кунлиги бошланишига тўғри келади. Ва шунга асосланиб, мамлакатимизда 21 март куни Наврўз байрами, деб эълон қилинган.

Анъанага кўра, Наврўзга бағишлаб пойтахтимиз Тошкентда, вилоятлар, шаҳар ва туман марказларида байрам маросимлари, халқ сайиллари ва томошалар ўтказилади.

Узоқ ва давомли тарихимиздан маълумки, Наврўз бир кун эмас, бир ой мобайнида байрам қилинади ва жойларда одамлар табиат билан ҳамоҳанг бўлиб, бу айём кўвончини кўпчилик билан баҳам кўради.

Халқимизнинг мана шундай байрамларни ҳар қайси воҳа ва водийнинг маҳаллий иқлим ва табиий

шароитидан келиб чиққан ҳолда ўтказиши ҳар томонлама эътибор ва қўллаб-қувватлашга муносибдир.

Республика Гидрометеорология Бош бошқармасининг маълумотларига кўра, кейинги йилларда умуман иқлим ўзгариши муносабати билан айнан шу мавсумда об-ҳавонинг бузилиб, ёгингарчилик кўп бўлиши кузатишмоқда ва жорий йил ҳам бундан истисно эмас.

Бунда вазият оммавий байрам тадбирларини очик майдонларда, истироҳат боғларида халқимизнинг кенг иштирокида ўтказиш учун муайян қийинчиликлар туғдирмоқда.

Наврўз умумхалқ байрамини миллий қадрият ва урф-одатларимиз руҳида кенг нишонлаш, уни ўтказиш учун қулай шарт-шароит яратиш, одамларнинг кўнгилли дам олишини ташкил этиш мақсадида Вазирлар Маҳкамаси **ҚАРОР ҚИЛАДИ:**

1. Пойтахтимиз Тошкентда, Қорақалпоғистон Республикасининг пойтахти Нукус шаҳрида, вилоятлар,

шаҳар ва туман марказларида Наврўз умумхалқ байрамига бағишланган тадбирларни об-ҳаво шароитини ҳисобга олиб, март ойининг охиригача ўтказиш мақсадида мувофиқ, деб топилсин.

2. Байрамга тайёргарлик кўриш ва уни ўтказиш билан боғлиқ масалаларни ҳал этиш Қорақалпоғистон Республикаси Жўқориги Кенгеси Раиси, вилоятлар ва Тошкент шаҳар ҳокимлари зиммасига юклансин.

Наврўз умумхалқ байрамига тайёргарлик кўриш ва уни ўтказиш бўйича республика ташкилий қўмитасига байрам муносабати билан марказда ва жойларда белгиланган барча ташкилий-амалий ишларни кенг жамоатчиликни жалб қилган ҳолда, юксак даражада ўтказиш юзасидан зарур чора-тадбирлар кўриш вазифаси топширилсин.

3. Ушбу қарор ижросини назорат қилиш Бош вазир. Ш. Мирзиёевга юклатилсин.

Вазирлар Маҳкамасининг Раиси

И.КАРИМОВ

Тошкент шаҳри,
2004 йил 17 март.



Баҳор...

Нўъмонжон МУҲАММАДЖОНОВ олган сурат-лавҳа.

ТОНГ НАФАСИ СИЗНИ ЯШАРТИРСИН!

Иброҳим ҒАҒУРОВ
ЎЗМТДП Марказий Кенгаши раиси

Ҳализамон Наврўзнинг оппоқ тонги отади. унинг шуқуҳи, файзи, баракоти ўзгача! Наврўз тонги ўзи билан бирга янги нафас олиб келади. У ҳар бир одамнинг муштоқ вужуди, муштоқ юрагида янги ҳаёт иштиёқини уйғотади, янги ҳаётга далда беради. Табиат билан ҳамнафас, ҳамкор яшайдиган одамда бу иштиёқ ва далда муҳаббатга айланади.

Табиат билан терс эмас, уйғун яшамокликда одам боласи учун қанчалар туганмас бахт, мурося, сабр-қаноат бор! Табиатга қараб яшаган одам албатта бахтини, дунё ҳаётида ўз табарруқ ўрнини топади. Наврўз нафаси бизни оқил яшаш, оқил меҳнат қилишга доимо чорлаб туради.

Наврўзнинг бутун мазмунида инсон тикланишининг буюк руҳи ва рамзлари мижасам!

Табиат оқиллиги, илоҳий мувозанатининг, инсон ақл-идроки, гўзаллиги ва муқаддаслигининг байрами муборак бўлсин, азиз одамлар!

Наврўзингиз қутлуғ бўлсин,
қадрли сафдошлар!



МЕҲРИБОНЛАР БОР БЎЛСИН!

Кўкун шаҳридаги 17-меҳрибонлик уйда юз нафар уч ёшдан ўн бир ёшгача бўлган болалар тарбияланади. Бу галги «Наврўз»ни улар жуда кўвонч билан кўтиб олишаётди. Шаҳар ҳокимлигининг бевосита ташаббуси билан тарбияланувчиларнинг ўқиш, дам олиш ва яшаш шароитини яхшилаш мақсадида хайрли иш амалга оширилди. Меҳрибонлик уйи замонавий қилиб тўздан қайта таъмирланди.

Вилоят халқ таълими бошқармаси жиҳозлар учун ва капитал таъмирлашга 38 миллион сўм маблағ ажратган бўлса, шаҳардаги саҳоватли кишилар раҳбарлик қилаётган қорхона ва ташкилотлар таъмирлаш ишларида ҳамийлик сифатида 60

кунли қилиши керак», деб айтганларидан мўқарам Президентимиз Ислам Каримов минг қарра ҳақ эди.

— Саҳоватли, қўли очик, меҳр-мурувват кўрсатиб роҳат оладиган инсонлар қанча кўпайса айни муддао, дейди меҳрибонлик уйи раҳбари Дилдоракон Тоғаева.

— Бу гўшада етти хил турдаги ҳусни хат, спорт, хор, инглиз ва рус тили, меҳнат ва кўғирчоқ театри тўғрақлари ишлаб турибди. Меҳрибонлик уйда

Тўхфа

Дилоромхон Эркабоева, Муборак Хайитова, Маърифат Мардонова, Мукаррам Махмудова, Махмуда Ақромова каби тарбиячилар алоҳида жонбозлик кўрсатиб меҳнат қилишаётди.

Меҳрибонлик уйда амалга оширилган таъмирлаш ишлари билан танишиб катта таассурот билан қайтдик. Беихтиёр, қанийди, нафақат меҳрибонлик уйлари, балки болалар боғчаларию, мактабларда ҳам шундай шароитлар яратилса, деган фикр хаёлимиздан ўтди.



БАЙРАМЛАРНИНГ ГЎЗАЛИ

Ўткир ҲОШИМОВ
Ўзбекистон халқ ёзувчиси

Наврўз халқимизнинг энг қадимий, энг гўзал ва энг табиий байрами. Шунинг учун табиийки, Наврўз бирон тарихий шахс, сийёсат ёки диний ақида билан боғлиқ эмас. Ота-боболаримиз табиатнинг уйғониши, янги йил, янги фасл бошланиши, кун билан туннинг тенг келишини аниқ-равшан ҳисоблаб, айнан шу кунни байрам қилишгани бежиз эмас. Шўролар даврида шунча қатагонлар камлик қилгандек мана шу беозор, гўзал байрамни ҳам таққулашга уринишлар бўлди.

Эсимда, 80-йиллар бошида «юқори идора»да ишлайдиган «опахон»лар менга ўн беш кун ичида совет турмуш тарзига мос «Навбахор»

байрами сценарийсини ёзиш ҳақида «партиявий топшириқ» беришган эди. Ўн беш кундан сўнг айтилган хонага кириб бордим. Сценарийни сўрашди. «Ёзолмадим», — дедим иложи борича юмшоқроқ тушунтиришга уриниб, — асрлар давомида халқ нишонлаб келётган байрамни бошқача қолигга солиб бўлмайди. «Навбахор»ни нишонлашни қозоғга туширмақчи бўлган киши, Самарқанддаги Чорчинор деган жойга борса бас. Ҳар йили 21 март куни минглаб одамлар тўпланиб, байрам қилишади». «Сиз Наврўзни айтмасиз-ку!» — дейишди норози бўлиб. «Навбахор» ҳам Наврўз-да!

— дедим «содаллик» билан... Бу гапни эслашдан мурод халқнинг қон-қонига сингиб кетган муқаддас удумларни қатагон қилишдан наф йўқ. Халқ барибир ўз билганини қилаверади.

Худоба шукр, Истиқлол шарофати, юртбошимиз Фармони билан Наврўз чинакам, қонуний жиҳатдан тасдиқланган байрамга айланади. Улуғ айём арафасида айтилган тилаклар мустажоб бўлади, дейдилар. Тилагим шуки, Наврўз муборак бўлсин! Юртимиз тинч, дастурхонимиз тўкин, ер юзидаги жамийки тоза ниятли одамлар соғ-саломат бўлсин.

Янаги йил яна шундай қутлуғ кунларга омон-эсон етайлик!

Ҳақиқатнинг қиличи кескир

Кеча Ўзбекистон Республикаси Конституциявий судида илмий-амалий анжуман бўлиб ўтди. Конституциявий суд, Олий суд, Олий ҳужалик суди, Бош прокуратура, Ички ишлар вазирлиги ҳамда Оммавий аҳборот воситаларини демократлаштириш ва қўллаб-қувватлаш ижтимоий-сиёсий жағфармаси томонидан уюштирилган йиғинда ҳуқуқ-тартибот органлари ва «тўртинчи ҳокимият» вакилларининг ошқора мулоқоти бўлди.

Ўз муҳбиримиз

КўНГИЛ-КўНГИЛДАН...

14 март куни Россияда президент сайлови муваффақият билан якунланди. Владимир Путин ўз ишлари билан халқ ўртасида жуда катта обрў-эътибор қозониб, кўпчилик сайловчилар ишончига сазовор бўлди ва иккинчи муддатга Россия Федерацияси Президенти қилиб сайланди. Ўзбекистон Республикаси Президенти Ислам Каримов Владимир Путинни Россия Президенти қилиб сайланганлиги муносабати билан қутлади. Сайловда Ўзбе-

кистон Республикаси парламентининг делегацияси, Марказий сайлов комиссиясининг масъул ходимлари, ўзбек дипломатлари халқаро кузатувчи сифатида иштирок этиб, сайлов жараёнларини турли округларда кузатдилар. Сайловнинг демократик асосларда юксак даражада ташкил этилганига гувоҳ бўлдилар.

Россия Президенти сайлови арафасида Москвада-Марказий расомлар уйида «Ўзбекистон маданияти ва санъати

форуми» фонди — РФдаги Ўзбекистон элчихонаси ҳамда Расомлар уюшмаларининг халқаро конфедерацияси кўмағида ўзининг очилиш-тақдимот маросимини ўтказди. Унда бир қатор таниқли Ўзбекистон расомларининг кўргазмаси ҳамда киносанъаткорларнинг асарлари намойиш этилди. Форум тақдимотида Москва жамоатчилиги намояндалари, атоқли санъаткорлар, дипломатлар қатнашдилар. Икки дўст, биродар мамлакатлар маданиятларининг яқинлашуви йўлида эътиборга лойиқ қадам қўйилди.

(5-бетга қаранг)

**Саҳифаларни
варақласангиз:**

2-бетда
**«ЯХШИ ЯШАДИМ,
ҲАЙДАН АРМОНИЙ ЙЎҚ»**

3-бетда
ТУНДАГИ ФОЖИА

4-бетда
**ОЛТИНУ ЗАРЛАР, ДАНҒИЛЛАМА
ИМОРАТЛАР, МАНСАБЛАР —
ҲАММАСИ ОМОНАТ**

5-бетда
**НУЖЛАР ҚАМАЛИДА
УЧ КЕЧА-КУНДУЗ**

6-бетда
**ҚОРА
ШАРПАЛАР**

ҚУТ-БАРАКА БОШЛАБ КЕЛАР, НАВРЎЗИМ!

**БАҲОР ФАСЛИ ВА ТАБИАТ УЙҒОНИШИНING ТИМСОЛИ,
ЯШАРИШ ВА ЯНГИЛАНИШ РАМЗИ – НАВРЎЗ
БАРЧАМИЗГА ҚУТЛУФ БЎЛСИН!**

Халқ сўзи

**O'ZBEKISTON
OVOZI**

НАРОДНОЕ СЛОВО

Milliy tiklanish

FIDOKOR

Turkiston

**QISHLOQ
HAYOTI**

Ma'rifat



HURRIYAT

**ПРАВДА
ВОСТОКА**

ISHONCH

Моҳият

Mahalla

**Тошкент
Оқшоми**

**Мамлакатимиз матбуот — зиё тарқатувчилари
сардори Рустам Қосимовнинг таъбири
билан айтар бўлсак, илм-маърифатли,
маънавиятли инсон энг бой инсон!**

**Олтину зарлар, дангиллама иморатлар, қатор-қатор
автомашиналар, мансаблар — ҳамма-ҳаммаси омонат.**

**Фақат зиё инсон умри охиригача у билан садоқат
кемасида бирга сузиб, содиқ ҳамроҳ бўлади.**

**Янги кун, Янги йил,
«Наврўз»ингиз
муборак бўлсин, азиз юртдошлар!**

**Ўзбекистон матбуот нашрларига
обуна давом этмоқда**

**«Матбуот тарқатувчи»
очиқ акциядорлик компанияси**

